

後漢書

百官輿服

十四

後漢書

十五

後漢書志第二十八 劉

昭

注補

百官五

州郡 縣鄉 匈奴中郎將

亭里 烏桓校尉 宋衛國

護羌校尉

列侯

王國 關內侯

四夷國 百官奉

外十有二列每州刺史一人六百石本注曰

秦有監御史監諸郡漢興省之但遣丞相史

分刺諸列無常官孝武帝初置刺史十三人

秩六百石古今注曰常以春分行部郡國各遣一吏迎界上諸書不同也成

帝更為牧秩二千石建武十八年復為刺史



後漢書志第二十八

劉

駟

注補

百官五

州郡 縣鄉 匈奴中郎將

亭里 烏桓校尉 東衛國

護羌校尉

王國 關內侯

四夷國 百官奉

外十有二列每州刺史一人六百石本注曰

秦有監御史監諸郡漢興省之但遣丞相史

分刺諸州無常官孝武帝初置刺史十三人

秩六百石古今注曰常以春分行部郡國各遣一吏迎界上諸書不同也成

帝更為牧秩二千石建武十八年復為刺史



十二人各主一列其一州屬司隸校尉

蔡質漢儀

曰詔書舊典刺史班宣周行郡國省察治政  
黜陟能否斷理冤獄以六條問事非條所問  
所不省一條強宗豪右田宅踰制以強陵弱  
以衆暴寡二條二千石不奉詔書遵承典制  
倍公向私旁詔守利侵漁百姓聚斂爲姦三  
條二千石不恤疑獄風厲殺人怒則任刑喜  
則任賞煩擾苛暴剝戮黎元爲百姓所疾山  
崩石裂妖祥訛言四條二千石選置不平苟  
阿所愛蔽賢寵頑五條二千石子弟怙恃榮  
勢請託所監六條二千石違公下比阿附豪  
強通行貨賂割損政令諸列刺史初除比諸  
持板揖不拜獻帝起居注曰建安十八年三  
月庚寅省州并郡復禹貢之九州冀州得魏  
郡安平鉅鹿河閒清河博陵常山趙國渤海  
甘陵平原太原上黨西河定襄鴈門雲中五  
原朔方河東河內涿郡漁陽廣陽右北平上

谷代郡遼東遼東屬國遼西玄菟樂浪九三  
十二郡省司隸校尉以司隸部分屬豫州冀  
州雍州首涼州刺史以并雍州部郡得弘農  
京兆左馮翊右扶風上郡安定隴西漢陽北  
地武都武城金城西平西郡張掖張掖屬國  
酒泉敦煌西海漢興永陽東安南九二十二  
郡省交州以其郡屬荊州荆州得交州之蒼  
梧南海九真交趾日南與其舊所部南陽章  
陵南郡江夏武陵長沙零陵桂陽九十三郡  
益列太部郡有廣漢漢中巴郡犍爲蜀郡  
荆越益州永昌犍爲屬國蜀郡屬國廣漢  
屬國今并得交州之鬱林合浦凡十四郡豫  
州部郡本有潁川陳國汝南沛國梁國魯國  
今并得河南滎陽都尉九八郡徐州部郡得  
下邳廣陵彭城東海琅邪利城東陽東莞九  
八郡青州得齊國北海東萊濟南樂安九五  
郡獻帝春秋曰孫權以步騭行交諸列常以  
州刺史東觀書曰交趾刺史持節諸列常以

八月巡行所部郡國

胡廣注曰巡謂驛馬也

言古錄囚徒胡廣曰照邑囚徒皆閱錄視參

附遂考殿最胡廣曰課第長吏不稱職者為

時平也考殿最殿舉免之其有治能者為最察

上尤翼州又狀州中吏初歲盡詣京都奏事

民茂才異等歲舉一人胡廣曰所察有條應繩異者輒覆問之不茹

柔吐剛也歲盡齋所狀納京師名奏事差其

遠近各有常會中興但因計吏胡廣曰不復自詣京

東觀書曰和帝初張酺上言臣聞王者法天

焚惑奏事太微故別教刺史入奏事可以通

下問知外事也數十年以來重其道歸煩撓

故特止勿奏事今因以為故事臣愚以為刺

吏視百滿歲可令奏事如舊典問州中風俗

恐好惡過所道事所聞見考課眾職下章所

告及所自舉有意賞異之其尤無狀逆詔

書行罪法翼勅戒其餘各敬慎所職於以

衰滅貪邪便佞韓詩外傳曰王者必立牧方

三人所以使闕遠牧眾也遠方之民有飢寒

而不得衣食獄訟而冤失職賢而不舉者入

告天子天子於其君之朝也揖而進之日噫

朕之政教有不得爾昔邪如何乃有飢寒而

不得衣食獄訟而冤失職賢而不舉然後其

君退而與其卿大夫謀之遠方之民聞皆曰

誠天子也夫我居之辟見我之近也我居之

幽見我之明也可欺乎哉故

牧者所以開四目達四聰

皆有從事史假

佐本注曰負職略與司隸同無都官從事其

功曹從事為治中從事豫列部郡國六冀州

部九兖州部八徐州部五青列部六荆列部

七揚州部六益列部十二涼州部十二并州部九幽州部十一交州部七凡九十八其二十七王國相其七十一郡太守其屬國都尉屬國分郡離遠縣置之如郡差小置本郡名世祖并省郡縣四百餘所後世稍復增之臣曰昔在先代列爵殊等九服不同畿荒制異雖猶連帥相司牧伯分長而封疆置限兼庸有數如身之使臂手之使指故能高卑相固遠近維緝群后克穆共康非庶幾及周衰稍競吞廣邦國侵爭遞懷賡略猶歷數百年乃能成其并一豈非樹之有本使其然乎秦東天下開設郡縣孤立獨王即以顛亡莫祖以者雖不煩革分置子弟終龕諸呂之難漸剖

列部以減大都之權後嚴安之徒猶抗慨發憤謂千里之威即古之強國慮非安本無窮之計也孝武之末始置刺史監糾非法不過六條傳車周流匪有定鑿秩裁數百或望輕寡得有察舉之勤未生陵犯之釁成帝改牧其萌始大既非識治之主故無取焉爾世祖中興監乎政本復約其職還遵舊制漸親奏事省入惜煩漸得自重之路因茲以降彌於歲年母后當朝多以弱守六合危動四海潰弊財盡力竭網維撓毀而八方不能內侵諸侯莫敢入伐豈非幹強枝弱控制素重之可致乎至孝靈在位橫流既及劉焉激偽自為身謀非有憂國之心專懷狼據之策抗論昏世薦議愚主盛稱宜重牧伯謂足鎮壓萬里挾蒞樹筭苟周一時豈可求為國本長期勝術哉夫聖主御世莫不大庇生民承其休謀傳其典制猶云事久弊生無或通貫故變改正服革異質文分爵三五參差不一况在豎

駭之君狹姦詐之臣共所創置我焉可仍因  
大建尊州之規竟無一日之治故焉後蔡士  
造帝服於岷峩袁紹取冀下制書於燕朔劉  
表制南郊天祀地魏祖魏亮遂構皇業虞之  
殄滅禍原乎此及臻後代任寄彌廣委之邦  
宰之命授之斧鉞之重假之都督之威開之  
征討之略晉太康之初武帝亦疑其然乃詔  
曰上古及中代或置州牧或置刺史置監御  
史皆總綱紀而不賦政治民之事任之諸侯  
郡守昔漢末四海崩分因以吳蜀自擅自是  
刺史內親民事外領兵馬此一時之宜爾今  
賴宗廟之靈士大夫之力江表平定天下合  
之為一焉翰戰干戈與天下休息諸別無事  
者罷其兵刺史分職皆如漢氏故事出頒詔  
條入奏事京城二千石尊治民之重監司請  
峻於上此經久之體也其便省州牧晉武帝  
又見其弊矣雖有其言不卒其事後嗣續繼  
牧鎮愈重據地分爭竟覆天下昔王畿之大

不遠千里州之所司廣袤兼遠爭強虎視之  
辰廷鼎革然之日未嘗不藉蕃兵之推挾董  
司之力逼迫伺隙陵奪冲切其甚者臣主揚  
其骨肉戰野昆弟梟懸伯叔屠裂未壯披心  
尾大不掉既用此始亦病以終傾軫愈襲莫  
或途改致雖京有衝壁之痛秦臺有不守之  
酷胡羌逸興凶鮮更起摩滅群黎派禍百世  
堅冰所漸兼緣茲蠹嗚呼後之聖王必不久  
滯斯迹靈良之終當有神筭不然則雄捍反  
拒之事懼甚於此心憑強作害之謀方盛於  
後凡州所監都為京都置尹一人二千石丞  
意

一人每郡置太守一人二千石丞一人郡當

邊戍者丞為長史古今注曰建武六年三月

太守丞長史領丞職郡太守諸侯相病丞長王國之相亦如之每

太守丞長史領丞職郡太守諸侯相病丞長

屬國置都尉一人比二千石丞一人本注曰

凡郡國皆掌治民進賢勸功決訟檢姦常以

春行所主懸勸民農桑振救乏絕秋冬遣無

害吏察訊諸囚平其罪法論課殿最考律有無害郡

吏如今言公平吏漢書音義曰吏無所枉害蕭何以文無害為沛主吏掾歲盡遣

吏上計盧植禮注曰計斷九月并舉孝廉郡

口二十萬舉一人典兵禁備盜賊景帝更名

都尉武帝又置三輔都尉各一人畿出入邊

郡置農都尉主屯田殖穀又置屬國都尉主

蠻夷降者中興建武六年省諸郡都尉并職

太守無都試之役古今注曰六年八月省都尉官應劭曰每有劇賊郡

臨時置都尉事訖罷之省關都尉唯邊郡往往置都尉

及屬國都尉稍有分縣治民比郡安帝以荒

犯法三輔有陵園之守乃復置右扶風都尉

京兆虎牙都尉應劭漢官曰蓋天生五材民

兵之設尚矣易稱弦木為弧剡木為矢弧矢

之利以成天下春秋三時務農一時講武詩

載揚四方莫當自郡國罷材官騎士之後官

無警備實啓寇心一方有難三面救之發與

雷震炯蒸電激一切取辦黔首囂然不及講



其射御用其戒誓一旦驅之以即強敵猶  
鵠捕鷹鷂豚羊弋豺虎是以每戰常具五旅  
不振張角懷挾妖偽遐邇播蕩八州非發烟  
炎絳天牧守梟裂流血成川爾乃遠激三邊  
殊俗之兵非我族類忿鷙縱橫多僵良善以  
為已功財貨糞土哀夫民氓迂流之咎見出  
在茲不教而戰是謂棄之跡其禍敗豈虛也  
哉春秋家不獲甲所以一國威抑私力也今  
雖四海殘壞王命未洽可折衝皆置諸曹掾  
歷難若指以掌故置右扶風皆置諸曹掾  
史新論曰王莽時置西海郡令其吏皆百  
石親事一曰為四百石二歲而遷補本  
注曰諸曹略如公府曹無東西曹蔡質漢書曰河南府  
掾出考按與從事同有功曹史主選署功勞有五官掾  
署功曹及諸曹事其監屬縣有五部督郵曹

掾一人正門有亭長一人主記室史主錄記  
書催期會無令史閣下及諸曹各有書佐幹  
主文書漢官曰河南尹負吏九百二十七人  
十二人百石諸縣有秩三十五人官

屬掾史五人四部督郵吏部掾二十六人按  
獄仁恕三人監津渠漕水掾二十五人百石  
卒吏二百五十人文學守助掾六十人書佐  
五十人循行二百三十人幹小史二百三十  
人屬官每縣邑道大者置令一人千石其次

置長四百石小者置長三百石侯國之相秩

次亦如之應劭漢官曰前書百官表云萬戶

孝武皇帝所開縣戶數百而或為令荆揚江  
南七郡唯有臨湘南昌吳三令爾及南陽穰

中土沃民稠四五萬戶而為長桓帝特以江  
南陽安為女公主邑改號為令主薨後復其  
故若此為繫其本俗說令長以水土為之及  
秩高下皆無明文班固通儒述一代之書斯  
近其本注曰皆掌治民顯善勸義禁姦罰惡  
理訟平賊恤民時務秋冬集課上計於所屬  
郡國胡廣曰秋冬歲盡各計縣戶口墾田錢穀入出盜賊多少上其集簿丞尉以下歲詣郡課校其功多尤為最者於廷尉勞勉之以勸其後負多尤為殿者於後曹別責以糾怠慢也諸對辭窮尤困收主者掾史閔白太守使取法丞尉縛責以明下轉相督勅為民除害也明帝詔書不得僂辱黃綬以別小人吏也

凡縣主蠻夷曰道公主所食湯沐曰國縣萬

戶以上為令不滿為長侯國為相皆秦制也

史記秦并天下夷郡縣鑄兵刃示不復用丞各一人尉大縣二人

小縣一人本注曰丞署文書典知倉獄尉主

盜賊凡有賊發主名不立則推索行尋案察

姦宄以起端緒應劭漢官曰大縣丞左右尉所請命卿三人小縣一尉

丞命卿二人各署諸曹掾史本注曰諸曹略如郡

負五官為廷掾監鄉五部春夏為勸農掾秋

冬為制度掾漢官曰雒陽令秩千石丞三人

右尉四百石負吏七百九十六人十三人四百石鄉有秩獄史五十六人佐史鄉佐七十

七人斗食令吏嗇夫假五十人官掾史幹小  
史二百五十人書佐九十人循行二百六十  
人

鄉置有秩三老游徼本注曰有秩郡所署秩

百石漢官曰鄉戶五千則置有秩掌一鄉人風俗通曰秩則田開大夫

言其官裁其鄉小者縣置嗇夫一人風俗通曰嗇者

有秩耳皆主知民善惡為役先後

宵也夫賤也言消知民貧富為賦多少平其差品三老掌教化

凡有孝子順孫貞女義婦讓財救患及學士

為民法式者皆扁表其門以興善行游徼掌

徼循禁司姦盜又有鄉佐屬鄉主民收賦稅

風俗通曰國家制度大率十里一鄉

亭有亭長以禁盜賊本注曰亭長主求捕盜

賊承望都尉漢官儀曰民年二十三為正一歲以為衛士一歲為材官騎士

習射御騎馳戰陣八月太守都尉令長相丞

尉會都試課殿最水家為樓船亦習戰射行

船過郡太守各將萬騎行障塞烽火追虜置

長史一人丞一人治兵民營兵行長領置部

尉千人司馬候農都尉皆不治民不給衛士

材官樓船年五十六老衰乃得免為民就田

應合選為亭長亭長課徼巡尉游徼亭長皆

習設備五兵五兵弓弩戟楯刀劍甲鎧鼓吏

赤幘行滕帶劍佩刀持楯被甲設矛戟習射

設十里一亭亭長亭候五里一郵郵間相去

二里半司姦盜亭長持二尺板以劾賊索繩  
以收執賊風俗通曰漢家因秦大率十里一  
亭亭留也蓋行旅宿會之所館亭  
吏舊名負弩改為長或謂亭父

里有里魁民有什伍善惡以告本注曰里魁

掌一里百家什主十家伍主五家以相檢察

民有善事惡事以告監官風俗通曰周禮五家為鄰四鄰為里

里者止也里有司司五十家邊縣有障塞尉

共居止同事舊欣通其所也本注曰掌禁備荒夷犯塞

之要太公曰其本在吏武王曰吏者治也所

以為治其亂者何太公曰故吏重罪有十武

王問吏之重罪太公曰一吏苛刻二吏不平

三吏貪汚四吏以威力迫脅於民五吏與史

合姦六吏與人亡情七吏作盜賊使人為耳

目八吏賤買賣貴於民九吏增易於民十吏

振懼於民夫治者有三罪則國亂而民愁盡

有之則民流亡而君失其國武王曰民亦有

罪乎太公曰民有十大於此除者則治國而

民安武王曰十大何如太公曰民勝吏溥大

臣一大也民宗強侵陵群下二大也民甚富

傾國家三大也民尊親其君天下歸慕四大

也眾暴寡五大也民有百里之譽千里之交

六大也民以吏威為權七大也恩行於吏八

入也民服信以少為多奪人田宅贖人妻子

謂一家害一里一里害諸侯諸侯害天下武

王曰絲吏之罪塞民之大柰何太公曰察民

之暴吏明其賞審其誅則吏不敢犯罪民不

收大也武王曰是民吏相伺上下不知而告

其讎太公曰為君守為吏守職為民守事

如此各居其道則國治國治則都洽都治則

里治里治則家治家治則善選分明善惡分  
明則國無事國無事則吏民外不懷怨內不  
事其郡有鹽官鐵官工官都水官者隨事廣  
狹置令長及丞秩次皆如縣道無分士給均  
本吏本注曰凡郡縣出鹽多者置鹽官主鹽  
稅出鐵多者置鐵官主鼓鑄胡廣曰鹽官培  
鑿井煮海水而以得之者鑄銅為器  
械當鑄冶之時扇熾其火護之鼓鑄有工多  
者置工官主工稅物有水池及魚利多者置  
水官主平水牧漁稅在所諸縣均差吏更給  
之置吏隨事不具縣負

使匈奴中郎將一人比二千石本注曰主護

南單于置從事二人有事隨事增之掾隨事

為負護羌烏桓校尉所置亦然廉劭漢官曰  
擁節屯中步

南設官府掾史單于歲遣侍子來朝謁者常  
送迎焉得賂弓馬氈罽他物百餘萬謁者事

訖還具表付帑  
藏詔書刺自受

護烏桓校尉一人比二千石本注曰主烏桓

胡應劭漢官曰擁節長史一人司馬二人皆  
六百石并領鮮卑客賜質子歲時胡市焉

晉書曰漢置東夷  
校尉以撫鮮卑

護羌校尉一人比二千石本注曰主西羌應劭

漢官曰節節長史司  
馬二人皆六百石

皇子封王其郡為國每置傅一人相一人皆  
二千石本注曰傅主導王以善禮如師不臣  
也相如太守有長史如郡丞漢初立諸王因  
項羽所立諸王之制地既廣大且至千里又  
其官職傅為太傅相為丞相又有御史大夫  
及諸卿皆秩二千石百官皆如朝廷國家唯  
為置丞相其御史大夫以下皆自置之胡廣曰後  
漢妾數無限別乃割設正適曰至景帝時吳  
妃取小夫人不得過四十人

楚七國恃其國大遂以作亂幾危漢室及其  
誅滅景帝懲之遂令諸王不得治民令內史  
主治民改丞相曰相省御史大夫廷尉少府  
宗正博士官武帝改漢內史中尉郎中令之  
名前書曰改漢內史為京兆尹中尉為執金吾郎中令為光祿勳而王國如  
故負職皆朝廷為署不得自置至漢成帝省

內史治民更令相治民漢舊儀曰大司空何武奏罷內史相如太

守中尉如都尉參職是後中尉爭權與王相奏常不和也臣太傅但曰傅臣  
曰觀夫高祖之創業也豈直鴻勳碩德大庇羣生蕩其毒虐曆之和泰而已哉至於謀深

慮又封建子弟蕃維盤固規謀弘遠及於三  
趙不終燕靈矢絲齊代進楚皆為外重故宋  
昌曰外畏齊楚淮南斯非效歟事過則弊孰  
或通之全腹之難誠臣財物之富作簡之益  
亦既得之於前矣故賜以几杖用息姦謀  
隕高下怨生有以逮連師構亂兵交梁闕  
侮摧寇肇自密威景帝遂削蕃國之權刻骨  
肉之撈封為君而不聽治其民置為主而稍  
賤其臣矯枉過甚遂臻于此呂霍之危朝右  
族愈貴於來寵吳楚之叛奔侯王恒借以受  
誦故賈誼欲眾建以少其力列虛以侯其生  
此乃達觀深識監于親陪之要者也豕嗣必  
傳萬里之地分支欲使動搖不得於經維遠  
筭且已礙矣復哀平之際劉氏徧於四海宗  
正著錄遂以萬數及乎後漢彌循前迹光武  
十子並列畿外近郡孝明八國不能開度遠  
以本枝之援終以少固若使漢分兩越置二  
民國近則不可以大不夫則不足為強此所

三親國剖吳楚樹數四列蕃割遼海而分皇  
枝開隴蜀而王子弟使主尊顯依漢初之貴  
民無定限許滋養之富若有昏虐之嗣可得  
廢而不得削必傳劉氏民信可奉發其侵伐  
兼并之釁峻其他族篡殺之科制其入貢輕  
重之法跡其來朝往復之數君君臣臣求許  
百世之期一國之民長無遷動之志四方得  
志聽離官列封懷賢抱智隨所適樂土強弱  
相侔遠近相推舉其大歸略其小滯與其畫  
一班之海內天子之朝自非異姓僭奪不得  
與勤王之師諸蕃國自非雜互篡主不降討  
伐之詔犬牙相經共為嚴國雖王莽善盜將  
何因而敢竊曹操雄勇亦安能以得士斯無  
俟拯聖然克行明賢粗識亦足立故父子首  
足也昆弟四支也當使筋骨髓血動靜足以  
相勝長短小大幹用足以相衛豈有割脛致  
腹取骨肉以增頭刻背露骨剥膏腴以裨額  
而謂顛顛魁岸可得比壽松晉喉咽擁腫必

能長生久視哉漢氏得之微猶能四百載魏  
人失之甚不滿數十年矣自晉世矯枉太過  
入列皇朝非簡賢之授唯親是貴無愚智之  
辨不能勝衣冠早據公相之尊童蒙幼子過  
登槐嶽之位職應論道而未離保母之養續  
侯賦政而脂二三尺衣英賢大度稟彼昏推  
高才碩儒恭承顏識公鍊履而不憂羨錦碎  
而愈截兼授若流迴遷競路才駑任重功渺  
豐多曉比名於公且夕同罪於盜跖褒補無  
位可以充德貶退刑輟不足以塞咎或力強  
濟聲實隆重嫌猜畏逼身受其弊覆滅分體  
若梟仇寇齎粉同氣有過他逆忠貞之士橫  
罹其凶志節之人狼狽其禍關伯實沉繼踵  
史筆顯思顯甫比有國書趙倫以愆愚排天  
齊攸以賢明謝世枉鬱殄夷究孫就盡不可  
勝載矣豈周漢之君多孝悌之性晉宋之王  
稟豺狼之情蓋事勢使之然也朝行斯術夕  
窮崩亂未能革悛來事愈甚蒼生為此將盡

矣四海為此構賊矣聖帝英君欲反斯敗必  
當更開同姓之國置不增之約罷皇胤入官  
之禍守盟性礪河之篤乃可還  
嶮墜之路反乎全安之轍也

中尉一人比二千石本注曰職如郡都尉主

盜賊東觀書曰其紹封削縉者即中令一人

僕一人皆千石本注曰即中令掌王大夫郎

中宿衛官如光錄勳自省少府職皆并焉僕

主車及馭如太僕本注曰太僕比二千石武

帝改但曰僕又皆減其秩治書比六百石本

注曰治書本尚書更名大夫比六百石本注



曰無負掌奉王使至京都奉璧賀正月及使諸國本皆持節後去節謁者比四百石本注曰掌冠長冠本負十六人後減禮樂長本注曰主樂人衛士長本注曰主衛士醫工長本注曰主醫藥永巷長本注曰宦者主宮中婢使祠祀長本注曰主祠祀皆比四百石自禮樂長至此皆四百石即中二百石本注曰無負衛公宋公本注曰建武二年封周後姬常為周承休公五年封殷後孔安為殷紹嘉公十三年改常

為衛公安為宋公以為漢賓在三公上

五經通義

二王之後不考功有誅無一維鄭玄曰王者存二代而封及五郊天用天子禮以祭其始祖行其正朔此謂通三統也三恪者敬其先聖封其後而已無殊異者也

列侯所食縣為侯國本注曰承秦爵二十等為徹侯金印紫綬以賞有功功大者食縣小者食鄉亭得臣其所食吏民後避武帝諱為列侯武帝元朔二年令諸王得推恩分眾子土國家為封亦為列侯舊列侯奉朝請在長安者位次三公中興以來唯以功德賜位特

進者次車騎將軍

胡廣漢制度曰功德優盛朝廷所敬其者賜特進在

三公下下賜位朝侯次五校尉賜位侍祠侯

次大夫其餘以肺附及公主子孫奉墳墓於

京都者亦隨時見會位在博士議郎下

胡廣制度

曰是為諸王封者受茅土歸以立社稷禮也

猥諸侯胡廣曰諸王受封皆受茅土歸立社稷本朝

為宮室自有制度至於列侯歸國者不受茅土不立宮室各隨貧富列士特進朝侯賀正

月執璧云每國置相一人其秩各如本縣本

注曰主治民如令長不臣也但納租于侯以

戶數為限其家臣置家丞庶子各一人本注

曰王侍侯使理家事列侯舊有行人洗馬門

大夫凡五官中興以來食邑千戶已上置家

丞庶子各一人不滿千戶不置家丞又悉省

行人洗馬門大夫

關內侯

如漢曰列侯出關就國侯但爵身其有家累者與之關內之邑食其租稅

也古今注曰建武六年初令關內侯食邑者俸月二十五斛

承秦賜爵十

九等為關內侯無土寄食在所縣民租多少

各有戶數為限

荀綽晉百官表注曰時六國未平郡帥皆家關中故以為

號劉劭爵制曰春秋傳有庶長鮑商君為政  
備其法品為十八級合關內侯列侯九二十  
等其制因古義古者天子寄軍政於六卿居  
則以田警則以戰所謂入使治之出使長之  
素信者與眾相得也故啓伐有扈乃召六卿  
大夫之在軍為將者也及用之六卿亦以居  
車在國也則以比長閭胥族師儻正刑長卿  
大夫為稱其在軍也則以卒伍司馬將軍為  
號所以異在國之名也秦依古制其在軍賜  
爵為等級其帥人皆更卒也有功賜爵則在  
軍吏之列自一爵以上至不更四等皆士也  
大夫以上至五大夫五等比大夫也九等依  
九命之義也自左庶長以上至大庶長九卿  
之義也關內侯者依古圻內子男之義也秦  
都山西以關內為王畿故曰關內侯也列侯  
者依古列國諸侯之義也然則卿大夫士下  
之品皆放古比朝之制而異其名亦所以殊  
軍國也古者以車戰兵車一乘步卒七十二

人分翼左右車大夫在左御者處中勇士居  
右凡七十五人一爵曰公士公士者步卒之  
有爵為公士者二爵曰上造造成也古者成  
士升於司徒曰造士雖依此名皆步卒也三  
爵曰替褭御駟馬者要褭古之名馬也駕駟  
馬者其形似替故曰替褭也四爵曰不更不  
更者為車右不復與凡更卒同也五爵曰大  
夫大夫者有車左者也六爵為官大夫七爵  
為公大夫八爵為公乘九爵為五大夫皆軍  
吏也吏民爵不得過公乘者得貫與子者同  
產然則公乘者軍吏之爵最高者也雖非臨  
戰得公卒車故曰公乘也十爵為左庶長十  
一爵為右庶長十二爵為左更十三爵為中  
更十四爵為右更十五爵為少上造十六爵  
為大上造十七爵為駟車庶長十八爵為大  
庶長已上至大庶長皆卿大夫皆軍將也所  
將皆庶人更卒也故以庶更為名大庶長即

大將軍也左右庶長即左右備裨將軍也古  
今注曰成帝鴻嘉三年令吏民得買爵級千  
錢

四夷國王率眾王歸義侯邑君邑長皆有丞

比郡縣

百官受奉例古今注曰建武二十六年四月  
戊戌增吏奉如此志列以明也

大將軍三公奉月三百五十斛中二千石奉

月百八十斛二千石奉月百二十斛比二千

石奉月百斛千石奉月八十斛六百石奉月

七十斛比六百石奉月五十斛四百石奉月

四十五斛比四百石奉月四十斛三百石奉

月四十斛比三百石奉月三十七斛二百石

奉月三十斛比二百石奉月二十七斛一百

石奉月十六斛斗食奉月十一斛漢書音義  
斗食祿

日以斗為計佐史奉月八斛古今注曰永和三年  
初與河南尹及雒陽

負吏四百二十七人奉月四十五斛臣昭曰  
此言豈其妄乎若人人奉四十五斛則四百

石秩為太優而無品若共進凡諸受奉皆半

奉者人不過一斗亦非義理

錢半穀荀綽晉百官表注曰漢延平中中二  
石月錢六千五百米三十六斛比二千石月  
錢五千米三十四斛一千石月錢四千米三

十斛六百石月錢三千五百米二千一百石月錢二千五百米七十五斛三百石月錢二千米十二斛二百石月錢一千米九斛百石月錢八百米四斛八斗獻帝起居註曰帝在長安詔書以三輔地不滿千里而軍師用度非一公卿已下不得奏除其若公田以秩石爲率賦與令各自收其租稅

贊曰帝道淵默冢帥脩德寡以御衆分職乃克不置不監無驕無忒程是師徒寧民康國

後漢書志第二十八 張 王 校正

後漢書志第二十九 劉 注補

輿服上

玉輅

乘輿

金輅

戎車

獵車

駟車

青蓋車

綠車

皂蓋車

夫人安車

輕車

大駕

法駕

小駕

導從車

大使車

小使車

載車

車馬飾

書曰明試以功

孔安國曰效試其居

車服以

庸 孔安國曰賜以車服以旌其德用所任也

試其言以要其功功成則言昔者聖人興天

下之大利除天下之大害躬親其事身履其

勤憂之勞之不避寒暑使天下之民物各得安其性命無天昏暴陵之災是以天下之民敬而愛之若親父母則而養之若仰日月夫愛之者欲其長久不憚力役相與起作宮室上棟下宇以雍覆之欲其長久也敬之者欲其尊嚴不憚煩勞相與起作輿輪旌旗章表以尊嚴之斯愛之至敬之極也苟心愛敬雖報之至情由未盡或殺身以爲之盡其情也亦世以祀之明其功也是以流光與天地比

長後世聖人知恤民之憂思深大者必饗其樂勤仁毓物使不夭折者必受其福故爲之制禮以節之使夫上仁繼天統物不伐其功民物安逸若道自然莫知所謝老子曰聖人不仁以百姓爲芻狗此之謂也夫禮服之興也所以報功章德尊仁尚賢故禮尊尊貴貴不得相踰所以爲禮也非其人不得服其服所以順禮也順則上下有序德薄者退德盛者縟故聖人處乎天子之位服玉藻邃延日

月升龍山車金根飾黃屋左纛所以副其德  
章其功也賢仁佐聖封國愛民黼黻文繡降  
龍路車所以顯其仁光其能也及其季末聖  
人不得其位賢者隱伏是以天子微弱諸侯  
脅矣於是相貴以等相讟以貨相賂以利天  
下之禮亂矣至周夷王下堂而迎諸侯此天  
子失禮微弱之始也自是諸侯宮縣樂食祭  
以白牡擊玉磬朱干設錫冕而儻大武鄭玄注禮記曰此皆天子之禮也宮縣四面縣也干盾也錫傳其背如龜也武萬舞也白牡大路殷

天子之禮也白牡殷牡

大夫臺門旅樹反坫繡黼丹朱

中衣鏤簋朱紘此大夫之僭諸侯禮也

鄭玄曰此

皆諸侯之禮也旅道也屏謂之樹所以蔽行道管氏樹塞門塞猶蔽也禮天子外屏諸侯內屏大夫以簾士以帷反坫反爵之坫也蓋在樽南兩君相見主君既獻於反爵焉繡黼丹朱以為中衣領緣也繡讀為綃綃繡名也詩云素衣朱綃又曰素衣朱襮襮繡領也鏤簋謂刻而飾之也大夫刻之為龜耳諸侯飾以象天子飾以玉朱紘天子冕之紘也諸侯青組大夫士當詩刺彼已之子不稱其服傷

其敗化易譏負且乘致寇至言小人乘君子器盜思奪之矣自是禮制大亂兵革並作上

下無法諸侯陪臣山塗藻梲降及戰國奢僭  
益熾削滅禮籍蓋惡有害已之語覽修奇麗  
之服飾以輿馬文罽玉纓象鑣金鞍以相夸  
上爭錐刀之利殺入若刈草然而宗祀亦旋  
夷滅榮利在已雖死不悔及秦并天下攬其  
輿服上選以供御其次以錫百官漢興文學  
既缺時亦草創承秦之制後稍改定參稽六  
經近於雅正孔子曰其或繼周者行夏之正  
乘殷之輅服周之冕樂則韶舞故撰輿服著

之于篇以觀古今損益之義云上古聖人見

轉蓬始知為輪輪行可載因物知生復為之

輿輿輪相乘流運罔極任重致遠天下獲其

利後世聖人觀於天視斗周旋魁方杓曲春

緯曰瑞光第一至第四為魁以攜龍角為帝

車於是迺曲其輶乘牛駕馬登險赴難周覽

八極故易震乘乾謂之大壯言器莫能有上

之者也孝經援神契曰斗曲杓撓象成車房

居故駮焉陪乘以道踟躕求均庄曰房星既  
體蒼龍又象馬駟馬故兼言之也覆鉤既覆



且鉤曲似蓋也天理自是以來世加其飾至

入魁又似御陪乘

奚仲為夏車正建其旂旒尊卑上下各有等

級世本云奚仲始作車古史考曰黃帝作車引重致遠其後少昊時駕牛禹時奚仲駕

馬臣昭案服牛乘馬以利天下其所起遠矣豈奚仲為始世本之誤史考所說是也周

室六備官有六職百工與居一焉周禮曰審

筋五材以辨民一器而群工致巧者車最多

是故具物以時六材皆良鄭玄曰取幹以冬

夏筋膠未闡自此至孤旌枉矢輿方法地蓋

圓象天三十幅以象日月鄭玄曰輪象日月

月三十日而合宿蓋弓二十八以象列星龍旂九旂

七仞齊軫鄭玄曰軫謂以象大火鄭玄曰

侯之所建也大火蒼龍宿鳥旗七旂五仞齊

較鄭玄曰較者以象鶉火鄭玄曰鳥隼為旗

朱鳥宿之柳熊旗六旂五仞齊肩以象參伐

鄭玄曰熊虎為旗師都之所建龜旒四旂四

仞齊首以象營室鄭玄曰龜蛇為旒縣鄙之

連體而弧旌枉矢以象弧也鄭玄曰觀禮曰

四星韜則旌旗之屬皆有弧也弧以張縵之幅有

衣謂之韜又為設矢象弧星有矢也妖星有

枉矢者蛇行有尾目此云枉矢蓋畫之文註  
禮舍文嘉曰蓋旗有九名日月為常交龍為  
旂通帛為旒雜帛為物熊虎為旗鳥隼為旗  
龜蛇為旐全羽為旒析羽為旌盧植註禮記  
曰有鈴曰旂于寶註周禮曰枉矢象妖星此  
非其義也枉蓋應為枉直謂枉矢於弧  
諸侯以下之所建者也  
內白虎通曰居車中不  
即察地前聞和鸞之聲旁見四方之運此車  
教之道論語曰升車必正立執綏車中不內  
顧所以有和鸞以止威儀節行舒疾也鸞者  
在衡和者在較馬動則鸞鳴鸞鳴則和應其  
聲鳴曰和敬舒則不鳴疾則失音明得其和  
也故詩云和鸞雍雍萬福攸同魯訓曰和設  
軾者也鸞設衡者也許慎曰詩云八鸞鑿鑿  
則一馬二鸞也又曰輜車鸞鑿知非衡也  
詩傳曰在軾曰和在衡傳玄乘輿馬賦註曰鸞在  
云鸞在鑿和在衡傳玄乘輿馬賦註曰鸞在

馬勒鑿于寶周禮註曰和鸞皆以金為鈴史  
記曰前有錯衡所以養目也步中武象驟中  
部護所以養耳也龍旂九旒所以養信也寢  
兕持虎鮫鞞彌龍所以養威也故大路之馬  
必信至教順然後  
乘之所以養安也

天子五路  
周禮王之五路  
一曰玉路  
二曰金路  
三曰象路  
四曰革路  
五曰木路

釋名曰天子所乘曰路路亦以玉為飾  
古文

車馬也謂之路言行路也  
以玉為飾尚書

曰大路在賓階面綴路在阼階面孔安國曰  
駕駟高車矣尊卑俱乘之其采飾有差鄭玄

曰王在焉曰路以玉飾諸末也傳玄乘輿馬  
賦注曰玉路重較也韻

集曰輓前橫木曰輅  
錫樊纓十有再就鄭  
曰錫面當盧刻金為之吁謹鏤錫也樊讀如  
鞮帶之鞮謂今馬大帶也鄭衆曰纓當當宵

士喪禮曰馬纓三就以削革為之三就三重  
三匝也鄭玄曰纓今馬鞅玉路之樊及纓皆  
以五采鬪飾之十二就就成也杜預曰纓在  
馬脅前如索帶乘輿馬賦注曰繁纓飾以旄  
尾金塗建太常十有二旂九仞曳地鄭眾曰  
旗之畫日月者鄭玄曰七尺日月升龍象天  
為何天子之旗高六丈三尺夷王以下周室  
明也崔駰東巡頌曰登大靈車衰弱諸侯大路秦并天下閱三代之禮或曰  
殷瑞山車金根之色殷人以為大路於是始  
根秦改曰金根乘輿馬漢承秦制御為乘輿  
賦注曰金根以金為飾所謂孔子乘殷之路者也

乘輿 金根 安車 立車  
蔡邕曰五安五立徐廣曰立乘

日高車坐 輪皆朱班重牙  
周禮曰牙也者

牙謂輪輻也世 貳轂兩轄  
蔡邕曰轂外復有

復設轄抱銅置其中東京 金薄繆龍為輿倚

較徐廣曰繆交錯之形也較在箱上說文曰

文虎伏軾魏都賦注曰較車橫 龍首銜軛左

右吉陽笳鸞雀立衡徐廣曰置金 榼文畫軻

羽蓋華蚤徐廣曰翠羽蓋黃裏 所謂黃屋車

弓也東京賦曰樹翠羽之高蓋薛綜曰樹建

翠羽為蓋如雲龍矣金作華形莖皆低曲

大旂十有二旂畫日月升龍駕六馬

東京賦云六玄

蚪之象鑣鏤錫金鑲方鉉挿翟尾

獨斷曰金鑲者馬冠

也高廣各五寸上如三華形在馬髦前方鉉鐵也廣數寸在馬鑲後後有三孔挿翟尾其

中薛綜曰鉉中央兩頭高如山形而貫中翟尾結著之顏延之切誥曰鉉與馬頭上防

鉉角所以防罔羅鉉以翟尾鐵朱兼樊纓赤

鬪易茸金就十有二左纛以整牛尾為之在

左駢馬軛上大如斗徐廣曰馬在中曰服在外曰駢駢亦名驂蔡邕

曰在最後左駢馬頭上是為德車五時車安立亦皆如

之各如方色馬亦如之白馬者朱其髦尾為

朱鬣云所御駕六餘皆駕四後從為副車

古文

尚書曰予臨兆民慄乎若朽索之馭六馬

禮王度記曰天子駕六馬諸侯駕四大夫三

士二庶人一周禮四馬為乘毛詩天子至大

夫同駕四士駕二易京氏春秋公羊說皆云

天子駕六許慎以為大子駕六諸侯及卿駕

四大夫駕三士駕二庶人駕一史記曰秦始皇

皇以水數制乘六馬鄭玄以為天子四馬庶

禮乘馬有四園各養一馬也諸侯亦四馬顧

後漢志

卷

後漢志

卷

中數見與輦玉發華芝及鳳凰三蓋之屬皆  
玄黃五色飾以金玉翠羽珠珞錦繡茵席者  
也東京賦曰立戈池夏農輿路木薛綜曰戈  
句予戟夏長才置車上者邪柱之也邪也是  
謂戈路農輿三蓋所謂耕根車也東耕于籍  
垂馬無飾故稱木也賀循曰漢儀親耕青衣  
憤東京賦說親耕亦云鸞路蒼龍負循曰車  
必有鸞而春獨鸞路者鸞鳳類而色青故以  
名春路也賦又曰介御開以剡邦薛綜曰耕  
耒金也廣五寸著耒耜而載之天子車參乘  
帝在左御在中介處  
右以耒置御之右

戎車其飾皆如之蕃以矛麾金鼓羽析幢駢

鞞冒申弩之箠漢制度曰戎立車以征伐周官其矢箠通俗文曰箭服謂

之步又于寶亦曰今謂之步又鄭玄注既夕日服車箱也顏延之幼誥曰弩矢也

獵車其飾皆如之重輶繖輪繆龍繞之一曰

闔猪車親校獵乘之魏文帝改曰闔虎車太皇太后皇

太后法駕皆御金根重翟羽蓋者也加交路帳裳徐廣

曰青交路非法駕則乘紫罽輶車字林曰輶車有夜蔽

青帷裳無後轅者謂之輜也釋名輶也四屏蔽婦

人乘牛車也有郵曰輜無郵曰輶傳子曰周日輶車雲榼文畫輶黃金塗五末徐廣曰未

即輶也一轅及衡蓋蚤左右駢駕三馬詳疑謂前

長公主赤罽輶車

大貴人貴人公主王妃封君油畫輶車大貴

入加節畫輶皆右駢而已

皇太子皇子皆安車朱班輪青蓋金華蚤黑

櫨文畫輻文輶金塗五末皇子為王錫以乘

之故曰王青蓋車徐廣曰旂旗九旒畫降龍魏武帝令問東平王有金

路何意為是特賜非侍中鄭樞對曰天子五

路金以封同姓諸侯得乘金路與天子同此

自得非特賜也

皇孫綠車以從皆左右駢駕三獨斷曰綠車名曰皇孫車

皂繪蓋黑輻右駢車有輻者謂之駢

天子有孫乘之

公列侯安車朱班輪倚鹿較伏熊軾

謂之駢

中二千石二千石皆皂蓋朱兩輻其千石六

百石朱左輻輻長六尺下屈廣八寸上業廣

尺二寸九文十二初後謙一寸若月初生示

不敢自滿也案本傳舊典傳車駢駕乘赤帷裳唯郭賀為冀別勅去轡帷謝

承書曰孔恂字巨卿新淦人別別駕從事車

前舊有屏星如刺史車曲翳儀式是時刺史

行部發去日晏刺史怒欲去別駕車屏星恂

諫曰明使君傳車自發晚而欲儻去屏星毀

國舊儀此不可行別駕可去屏星不可省即

投傳去刺史追辭謝請不肯還於是遂不去

屏星說文曰車

當謂之屏星 景帝中元五年始詔六百石

以上施車輻得銅五末輶有吉陽簞中二千

石以上右駢三百石以上皂布蓋千石以上皂繒覆蓋二百石以下白布蓋皆有四維杠衣賈人不得乘馬車除吏赤畫杠其餘皆青

古今注曰武帝大漢四年令諸侯王大國朱輪特虎居前左兕右麋小國朱輪畫特

熊居前寢麋居左右卿車者也

公列侯中二千石二千石夫人會朝若蠶各乘其夫之安車右駢加交路帷裳皆皂非公會不得乘朝車得乘漆布輜輶車銅五束乘輿大駕公卿奉引太僕御大將軍參乘屬

車八十一乘薛綜曰屬之言相連屬也皆在後為三行備千乘萬

騎西都行祠天郊甘泉備之官有其注名曰

甘泉鹵簿蔡邕表志曰國家舊章而幽僻蕪蔽莫之得見東都唯大

行乃大駕大駕太僕校駕法駕黃門令校駕

乘輿法駕八卿不在鹵簿中河南尹執金吾

雒陽令奉引奉車郎御侍中參乘屬車四十

六乘前驅有九旂雲罕徐廣曰旂車有九乘前史不記形也武王

剋紂百夫荷罕旗以先驅東京鳳凰闕戟薛

賦曰雲罕九旂薛綜曰旌旗名皮軒應劭漢官鹵簿闕取四戟函車邊曰關之言函也皮軒應劭漢官鹵簿闕

鳳皇車以皆大夫載胡廣曰皮軒以虎皮為

金根為列皆大夫載軒郭璞曰皮軒革車或

日即曲禮前有鷹旗者編羽旄列繫幢旁胡

日建蓋民或謂之雞翹非也胡廣曰鷹旗以

在中後有金鉦黃鉞說文曰鉞大斧也司

志不同黃門鼓車古者諸侯貳車九乘秦

執白鉞周黃門鼓車古者諸侯貳車九乘秦

杖黃鉞滅九國兼其車服故大駕屬車八十一乘法

駕半之屬車皆皂蓋赤裏木輻戈矛弩箛尚

書御史所載最後一車懸豹尾薛綜曰侍

尾以前比省中小學漢官篇曰豹尾過後罷

屯解闡胡廣曰施於道路豹

尾之內為省中故頌過後屯圍乃得解皆所

以戒不虞也淮南子曰軍正執豹皮所以制

正其象禮記前載行祠天郊以法駕祠地明

虎皮亦此之義類堂省什三祠宗廟尤省謂之小駕每出太僕

奉駕上鹵簿中常侍小黃門副尚書主者郎

令史副侍御史蘭臺令史副皆執注以督整

車騎謂之護駕春秋上陵尤省於小駕直事

鳳皇車

胡廣曰皮軒以虎皮為

軒郭璞曰皮軒革車或

胡廣曰鷹旗以

說文曰鉞大斧也司

薛綜曰侍

小學漢官篇曰豹尾過後罷

屯解闡胡廣曰施於道路豹

尾之內為省中故頌過後屯圍乃得解皆所

以戒不虞也淮南子曰軍正執豹皮所以制

正其象禮記前載

行祠天郊以法駕祠地明

堂省什三祠宗廟尤省謂之小駕每出太僕

奉駕上鹵簿中常侍小黃門副尚書主者郎

令史副侍御史蘭臺令史副皆執注以督整

車騎謂之護駕春秋上陵尤省於小駕直事

尚書一人從其餘令以下皆先行後罷

輕車古之戰車也洞朱輪輿不巾不蓋建矛

戟幢麾輶輒弩箛徐廣曰置弩於藏

韃上駕兩馬也藏



大駕法駕出射聲校尉司馬吏士載以次屬  
車在鹵簿中諸車有矛戟其飾幡旂旗幟皆  
五采制度從周禮吳孫兵法云有巾有蓋謂  
之武剛車武剛車者爲先驅又爲屬車輕車  
爲後殿焉

大使車立乘駕駟赤帷持節者重導從賊曹  
車斧車督車功曹車皆兩大車伍百璣弩十  
二人辟車四人周禮滌狼氏于賁注從車四  
乘無節單導從減半小使車不立乘有駢赤

屏泥油重絳帷導無斧車近小使車蘭輿赤  
轂白蓋赤帷從騶騎四十人此謂追捕考察  
有所勅取者之所乘也諸使車皆朱班輪四  
輻赤衡軛其送葬白堊已下洒車而後還公  
卿中二千石二千石郊廟明堂祠陵法出皆  
大車立乘駕駟他出乘安車

大行載車其飾如金根車加施組連璧交駱  
四角金龍首銜璧垂五采析羽流蕪前後雲  
氣畫帷裳楹文畫曲幡長懸車等太僕御駕

六布施馬布施馬者淳白駱馬也以黑藥灼其身爲虎文既下馬作賣車藏城北祕宮皆不得入城門當用太僕考工乃內飾治禮吉凶不相干也

公卿以下至縣三百石長導從置門下五吏賊曹督盜賊功曹皆帶劍三車從導主簿主記兩車爲從縣令以上加導斧車公乘安車則前後并馬立乘長安雒陽令及王國都縣加前後兵車亭長纂要維陽亭長車前吹管設右騑駕兩

璫弩車前伍伯公八人中二千石二千石六

百石皆四人自四百石以下至二百石皆二

人黃綬武官伍伯文官辟車軫下侍閣門闌

部置街里走卒皆有程品多少隨所典領

驛馬三十里一置

臣昭案東晉猶有郵驛共置承受傍郡縣文書有郵

有驛行傳以相付縣置屋二區有承驛吏皆條所受書每月言上州郡風俗通曰今吏郵書掾府督郵職掌此卒皆赤幘絳鞬云古者軍出師旅

皆從秦省其卒取其師旅之名焉公以下至三千石騎吏四千人以下至三百石縣長

二人皆帶劍持棨戟為前列捷弓韞九韞俗通

文曰弓韞謂之韞

諸侯王法駕官屬傳相以下皆備

鹵簿似京都官騎張弓帶韞遮迺出入襍課

促列侯家丞庶子導從若會耕祠主縣假給

辟車鮮明卒備其威儀導從事畢皆罷所假

諸車之文乘輿倚龍伏虎楹文畫輶龍首鸞

衡重牙班輪升龍飛軫薛綜曰飛軫以緹油廣八寸長注地畫左

蒼龍右白虎繫軸頭二千石亦然但無畫耳盧植禮記注曰軫轄頭也楚辭云倚結軫兮

太息王逸注曰重較也李尤小車銘曰軫之嚙噓疏達開通案二家之言不如綜注所記

皇太子諸侯王倚虎伏鹿楹文畫輶輶吉陽

簡朱班輪鹿文飛軫旂旗九旂降龍公列侯

倚鹿伏熊黑輶朱班輪鹿文飛軫九旂降龍

卿朱兩輶五旂降龍二千石以下各從科品

諸輶車以上輶皆有吉陽簡諸馬之文案乘

輿金鏤方鈇插翟象鏤兩雅注曰鏤馬勒龍鏤旁鐵也此用象牙龍

畫總沫升龍赤扇汗詩云朱幘鏤鏤毛傳曰人君以朱纒鏤扇汗且

以為鏤飾青兩翅鸞尾駙馬左右赤珥流蘇飛鳥

飾赤鷹兼皇太子或亦如之王公列侯鏤錫

又髦朱鑣朱鹿朱文絳扇汗青翅鸞尾卿以下有駢者緹扇汗青翅尾當盧又髦上下皆通中二千石以上及使者乃有駢駕云

後漢書志第二十九

張泉同李荆安校正

後漢書志第三十

劉昭注補

輿服下

爵弁冠	冕冠	長冠
高山冠	委貌冠	皮弁冠
武冠	通天冠	遠遊冠
巧士冠	進賢冠	法冠
會樊冠	建華冠	方山冠
幘	却非冠	却敵冠
印	術氏冠	鷩冠
綠綬	佩	刀
黑綬	黃赤綬	赤綬
青緋綸	紫綬	青綬
	黃綬	
	右夫人服	

上古穴居而野處衣毛而冒皮未有制度後世聖人易之以絲麻觀翬翟之文榮華之色

乃染帛以效之始作五采成以為服見鳥獸  
有冠角頰胡之制遂作冠冕纓鞋以為首飾  
凡十二章故易曰庖犧氏之王天下也仰觀  
象於天俯觀法於地觀鳥獸之文與地之宜  
近取諸身遠取諸物於是始作八卦以通神  
明之德以類萬物之情黃帝堯舜垂衣裳而  
天下治蓋取諸乾以乾以有文故上衣玄下  
裳黃日月星辰山龍華蟲孔安國注尚書曰華象草華蟲雉也  
作績宗彝古文尚書績作會孔安國曰以五采成此畫焉宗廟彝樽亦以山龍

華蟲藻火粉米孔安國曰藻水草有文者火為飾

黼黻絺繡孔安國曰黼若斧形黻為兩己相背葛之精者曰絺五色備曰繡杜

頭注左傳曰白與黑謂之黼黑與青謂之黻以五采章施于五色

作服孔安國曰以五采明施于五色作尊卑之服天子備章鄭玄周禮

注曰此古天子冕服十二章公自山以下侯伯自華蟲以

下子男自藻火以下卿大夫自粉米以下至

周而變之以三辰為旂旗王祭上帝則六裘

而冕鄭衆曰大裘羔裘公侯卿大夫之服用

九章以下鄭玄曰華蟲五色之蟲周禮績人職曰鳥獸蛇雜四時五色之位以

章之譜是也王者相變至周而以日月星辰  
畫於旌旗呼謂三辰旂旗昭其明也而冕服  
九章初一日龍次二曰山次三曰華蟲次四  
曰火次五曰宗彝皆畫以為黼次六曰藻次  
七曰粉米次八曰黼次九曰黻皆緝以為繡  
則袞之衣五章裳四章九九也鷩畫以雉謂  
華蟲也其衣三章裳四章九七也毳畫虎雖  
謂宗彝也其衣三章裳二章九五也絺刺粉  
米無畫也其衣一章裳二章九三章也法言  
曰聖人文質者也車服以彰之藻色以明之  
聲音以揚之詩書以光之籩豆不陳玉帛不  
分琴瑟不鏗鍾鼓不取吾無以見乎聖也  
秦以戰國即天子位滅去禮學郊祀之服皆  
以衲玄漢承秦故至世祖踐祚都于土中始  
修三雍正兆七郊顯宗遂就大業初服旒冕

衣裳文章赤舄絢屨以祠天地養三老五更  
於三雍于時致治平矣天子三公九卿特進  
侯侍祠侯祀天地明堂皆冠旒冕衣裳玄上  
纁下東觀書曰永平二年正月公卿議春南  
北郊東平王蒼議曰孔子曰行夏之時  
乘殷之輅服周之冕為漢制法高皇帝始受  
命創業制長冠以入宗廟光武受命中興建  
明堂立辟雍陛下以聖明奉遵以禮服龍袞  
祭五帝禮飲樂崩久無祭天地冕服之制按  
尊事神祇絜齋盛服敬之至也日月星辰山  
龍華藻天王袞冕十有二旒以則天數旂有  
龍章日月以備其文今祭明堂宗廟圓以法  
天方以則地服以華文象其物宜以降神明  
肅雍備忠博其類也天地之  
禮冕冠裳衣宜如非堂之制  
乘輿備文日月

星辰十二章三公諸侯用山龍九章九卿以下用華蟲七章皆備五采大佩赤舄絢履以承大祭百官執事者冠長冠皆祗服五嶽四瀆山川宗廟社稷諸沾秩祠皆衲玄長冠五郊各如方色云百官不執事各服常冠衲玄以從

冕冠垂旒前後邃延

邃垂也延冕上覆

玉藻

周禮曰五采繅

十有二就皆五采五十有二玉并朱紘鄭玄注曰繅雜文之名也合五采絲為之繩垂於延之前後各十二所謂邃延也就成也繩之每一而貫五采五十有二旒則十二玉也

每就閒蓋一寸朱紘以朱組為紘也紘一條

屬兩端於武此為袞衣之冕十二旒則用玉二百八十八鷩衣之冕繅九旒用玉二百一十六毳衣之冕七旒用玉百六十八絺衣之冕五旒用玉百二十玄衣之冕三旒用玉七十二

孝明皇帝永平二

年初詔有司采周官禮記尚書臯陶篇乘輿

服從歐陽氏說公卿以下從大小夏侯氏說

冕皆廣七寸長尺二寸前圓後方朱綠裏玄

上前垂四寸後垂三寸係白玉珠為十二旒

以其綬采色為組纓

說文曰組纓屬也小者以為冕纓焉禮記曰玄

冠朱組纓天子之服是也

三公諸侯七旒青玉為珠卿六

夫五旒黑玉為珠

獨斷曰三公諸侯九旒與此不同皆有

前無後各以其綬采色為組纓旁垂黻纁

曰黻黃色也黃綿為之禮緯曰旒垂目纁塞

耳王者視不聽聽不視非也薛綜曰以珩玉

為充耳也詩云充耳琇瑩毛萇傳曰充耳郊

謂之瑱天子玉瑱琇瑩瑩石也諸侯以石

天地宗祀明堂則冠之

蔡邕曰鄙人下衣裳

玉佩備章采乘輿刺史公侯九卿以下皆織

成陳留襄邑獻之云

長冠一曰齋冠高七寸廣三寸促漆纚為之

制如板以竹為裏初高祖微時以竹皮為之

謂之劉氏冠楚冠制也民謂之鵲尾冠非也

祀宗廟諸祀則冠之皆服衿玄

獨斷曰衿緝

曰衿阜絳緣領袖為中衣絳絺示其赤心

服也奉神也五郊衣幘絺各如其色此冠高祖

所造故以為祭服尊敬之至也

委貌冠皮弁冠同制長七寸高四寸制如覆

杯前高廣後卑銳所謂夏之母追殷之章甫

者也委貌以皂絹為之皮弁以鹿皮為之行

大射禮於辟雍公卿諸侯大夫行禮者冠委



貌衣玄端素裳

鄭衆周禮傳曰衣有襦裳者為端鄭玄曰謂之端取其正

也正者士之衣袂皆二尺二寸而屬幅是廣

蓋半而益一焉半而益一則執事者冠皮弁

衣緇麻衣皂領袖下素裳所謂皮弁素積者

也皮弁質也石渠論玄冠朝服戴聖曰玄冠委貌也朝服布上素下緇帛帶素韋鞞白

積素以為裳也言要中辟積也

爵弁一名冕廣八寸長尺二寸如爵形前小

後大緇其上似爵頭色有收持笄所謂夏收

殷皞者也獨斷曰殷黑而微白前大而後小夏緇黑亦前小而後大皆以三十

六升漆布為之詩云常服黼皞書曰王與大夫

禮也今祠天地五郊明堂雲翹舞樂人服之

禮曰朱干玉鉞鄭玄曰朱干赤大盾也鉞斧也冕而舞六夏

此之謂也

通元冠高九寸正豎頂少邪却乃直下為鐵

卷梁前有山展筓為述乘輿所常服獨斷曰漢受之

秦禮無文服衣深衣制有袍隨時五色袍者或曰

周公抱成王宴居故施袍禮記孔子衣逢掖

之衣縫掖其袖合而縫太之近今袍者也今

下至賤更小史皆通制袍單衣皂緣領袖中衣為朝服云

遠遊冠制如通天有展筓橫之於前無山述諸王所服也獨斷曰禮無文

高山冠一曰側注制如通天不邪却直豎無山述展筓獨斷曰鐵為卷梁高九寸漢書音義曰其體側立而曲注中外

官謁者僕射所服太傅胡廣說曰高山冠蓋齊王冠也秦滅齊以其君冠賜近臣謁者服之史記鄒生初見高祖儒衣而冠側注漢舊儀曰乘輿冠高山冠飛月之纓幘耳赤丹

紕裏衣帶七尺斬蛇劍履虎尾絀履案此則亦通于大夫

進賢冠古緇布冠也文儒者之服也前高七

寸後高三寸長八寸公侯三梁胡廣曰車駕巡狩幸其國

諸侯衣玄端之衣冠九旒之冕其威法服以就位也今列侯自不奉朝請侍祠祭者不得服此皆常三梁冠卑單衣其歸國派黃衣卑云晉公卿禮秩曰太傅司空司徒著進賢三梁冠黑介幘中二千石以下至博士兩梁自博士

以下至小史私學弟子皆一梁宗室劉氏亦

兩梁冠示加服也獨斷曰漢制禮無文荀綽晉百官表注曰建光中尚

書陳忠以為令史質堪上言太官宜著兩梁尚書孟希奏太官職在鼎俎不列陞位堪欲

令比大夫兩梁冠不宜許臣伏惟太官令職  
在典掌王褒統六清之飲列八珍之饌正百  
品之羞納四方之貢所奉尤重用思又勤明  
詔慎口實之御防有敗之姦增崇其選侍御  
文主捕案太醫令奉方藥供養符節令掌備  
信金虎故位從大夫車有輪沂冠有兩梁所  
以殊親疎別內外也太官令以供養言之為  
最親近以職事言之為最煩多令又高選又  
執法比太醫令科同服等而冠二人殊不實  
不嗣又博士秩卑以其傳先王之訓故尊而  
異之令服大夫之冕猶此言之兩梁冠非必  
列於陞位也建初中太官令兩梁冠春秋之  
義大於後古如堪言合曲可施行克厭帝心  
即聽用之獻帝起居注曰中平六年令三府  
長史兩梁冠五時衣袍  
事位從千石六百石

法冠一曰柱後獨斷曰柱後惠文高五寸以纚為展

筓前書注曰纚今之紕鐵柱卷荀綽晉百官表注曰鐵柱

言其厲直不曲撓執法者服之待御史廷尉正監平

也或謂之獬豸冠獬豸神羊能別曲直楚王

嘗獲之故以為冠異物志曰東北荒中有獸

則觸不直者聞人論則咋不正者楚執法者

所服也今冠兩角非象也臣昭曰或謂獬豸

無非定名在州角未足斷正胡廣說曰春秋

左氏傳有南冠而縶者則楚冠也秦滅楚以

其君服賜執法近臣御史服之  
武冠一云古緇布冠之象也或曰繁冠一曰武弁大冠諸武

官冠之

晉公卿禮秩曰大司馬將軍尉驃騎車騎衛軍諸人將軍開府從公者著

武冠平上幘

侍中中常侍加黃金璫附蟬為文貂

尾為飾謂之趙惠文冠

又名鷄

胡廣說曰趙

武靈王效胡服以金璫飾首前插貂尾為貴

職秦滅趙以其君冠賜近臣

應劭漢官曰說者以金取堅剛

百鍊不耗蟬居高飢索口在腋下貂內勁捍而外溫潤此因物生義也徐廣曰趙武靈王

胡服有此秦即漢而用之說者蟬取其清高飲露而不食貂紫蔚來潤而毛采不彰灼故

於義亦取胡廣又曰意謂北方寒涼本以貂皮暖額附施於冠因遂變成首飾建武

時匈奴內屬世祖賜南單于衣服以中常侍

惠文冠中黃門童子佩刀云

建華冠以鐵為柱卷貫大銅珠九枚制以縷

鹿

獨斷曰其狀若婦人縷鹿薛綜曰下輪大上輪小記曰知天者冠

述知地者履絢春秋左傳曰鄭子臧好鷓冠

前圓以為此則是也

說文曰鷓知天將雨鳥也

天地五郊

明堂育命舞樂入服之

方山冠似進賢以五采縠為之祠宗廟大司

八佾四時五行樂入服之冠裳各如其方之

色而舞焉

巧士冠高七寸要後相通直豎不常服唯郊  
天黃門從官四人冠之在鹵簿中次乘輿車  
前以備宦者四星云獨斷曰禮無文

却非冠制似長冠下促宮殿門吏僕射冠之  
負赤幡青翅燕尾諸僕射幡皆如之獨斷曰禮無文

却敵冠前高四寸通長四寸後高三寸制似

進賢衛士服之獨斷曰禮無文

樊噲冠漢將樊噲造次所冠以入項羽軍廣  
九寸高七寸前後出各四寸制似冕司馬殿

門大難衛士服之或曰樊噲常持鐵楯聞項  
羽有意殺漢王噲裂裳以裹楯冠之入軍門  
立漢王旁視項羽

術氏冠前圓吳制差池灑池四重趙武靈王  
好服之今不施用官有其圖注淮南子曰楚莊王所復

冠者是蔡邕曰其說未聞

諸冠皆有纓鞋執事及武吏皆縮纓垂五寸

武冠俗謂之大冠環纓無鞋以青系為緹加

雙鶡尾豎左右為鶡冠云莊子云纓胡之纓其生之勝是也

五官左右虎賁羽林五中卽將羽林左右監  
皆冠鶡冠紗縠單衣虎賁將虎文袴白虎文  
劔佩刀虎賁武騎皆鶡冠虎文單衣襄邑歲  
獻織成虎文云鶡者勇雉也其鬪對一死乃  
止故趙武靈王以表武士秦施之焉徐廣曰鶡似黑雉出於上黨荀綽晉百官表注曰冠紳也鶡鷩鳥之屬疏者也每吁覆振應瓜摧呖天子武騎故以冠焉傳玄賦注曰羽騎騎者戴鶡

安帝立皇太子太子謁高祖廟世祖廟門大  
夫從冠兩梁進賢洗馬冠高山罷廟侍御史

任方奏請非乘從時皆冠一梁不宜以爲常  
服事下有司尚書陳忠奏門大夫職如諫大  
夫洗馬職如謁者故皆服其服先帝之舊也  
方言可寢奏可謁者古者一名洗馬古今注十三年初令長皆小冠獨斷曰公卿侍中尚書衣卑而入朝者曰朝臣諸營校尉將大夫以下不爲朝臣

古者有冠無幘其戴也加首有頰所以安物  
故詩曰有頰者弁此之謂也三代之世法制  
滋彰下至戰國文武並用秦雄諸侯乃加其

武將首飾為絳帟以表貴賤其後稍稍作顏  
題漢興續其顏却擦之施巾連題却覆之今  
喪幘是其制也名之曰幘幘者隤也頭首嚴  
隤也至孝文乃高顏題續之為耳崇其巾為  
屋合後施收上下群臣貴賤皆服之文者長  
耳武者短耳稱其冠也尚書隤收方三寸名  
曰納言示以忠正顯近職也迎氣五郊各如  
其色從章服也皂衣群吏春服青幘立夏乃  
止助微順氣尊其方也武吏常赤幘成其威

也未冠童子幘無屋者示未成人也入學小  
童幘也句卷屋者示尚幼少未遠冒也喪幘  
却擦反本禮也升數如冠與冠偕也期喪起  
耳有收素幘亦如之禮輕重有制變除從漸  
文也獨斷曰幘古者卑賤執事不冠者之所  
服也董仲舒止兩書曰執事者皆赤幘  
知不冠者之所服也元帝額有壯髮不欲使  
人見始進幘服之群臣皆隨焉然尚無巾故  
言王莽禿幘施屋冠進賢者宜長耳冠惠文  
者宜短耳各隨其宜漢舊儀曰九齋緋幘耕  
青幘秋龜  
劉服緋幘

古者君臣佩玉尊卑有度上有韍

徐廣曰韍如巾蔽膝

貴賤有殊佩所以章德服之哀也鞞所以執  
事禮之共也故禮有其度威儀之制三代同  
之五霸迭興戰兵不息佩非戰器鞞非兵旗  
於是解去紱佩留其係璪徐廣曰今以爲章名璪爲璪  
表故詩曰鞞鞞佩璪此之謂也鞞鞞佩玉貌璪瑞也鄭玄  
箋曰佩璪者以瑞玉爲佩佩之鞞鞞然紱佩既廢秦乃以采組  
連結於璪光明章表轉相結受故謂之綬漢  
承秦制用而弗改故加之以雙印佩刀之飾  
至孝明皇帝乃爲大佩衛牙雙璪璪谷以白

玉詩云韜佩以贈之毛萇曰珩璜璪璪衛牙之類月令章句曰佩上有雙衛下有雙璪

璪璪以難之衛牙璪珠以納其閒玉藻曰右微用左官羽進則揖之退則揚之然後玉璪鳴焉纂要曰璪璪所以納閒在玉之間今白珠也乘輿落以白珠公

卿諸侯以采絲其視冕旒爲祭服云

佩刀乘輿黃金通身貂錯半鮫魚鱗金漆錯

雌黃室五色罽隱室華諸侯王黃金錯環挾

半鮫黑室公卿百官皆純黑不半鮫小黃門

雌黃室中黃門朱室童子皆虎爪文虎賁黃

室虎文其將白虎文皆以白珠鮫爲鏢口之



飾通俗文曰乘輿者加翡翠山紆嬰其側左

曰藻綽鞞鞞杜預曰鞞佩刀削上飾鞞下飾也

飾顯其能制斷也春秋繁露曰劔之在左青龍之象也刀之在右白虎之象也

朱鳥之象也冠之在首玄武之象也四者入之盛飾也臣昭察自天子至于庶人咸皆帶

履劔之與刀形制不同名稱各異故蕭何劔履上殿不稱爲刀而此志言不及劔如爲未備

佩雙印長寸二分方六分乘輿諸侯王公列

侯以白玉中二千石以下至四百石皆以黑

犀三百石以至私學弟子皆以象牙上合絲

乘輿以滕貫白珠赤罽諸侯王以下以絳

赤絲鞞滕絳各如其印質刻書文曰正月剛

卯既決靈爰四方赤青白黃四色是當帝令

祝融以教夔龍庶疫剛瘳莫我敢當疾日嚴

卯帝令夔化慎爾周伏化茲靈爰既正既直

既觚既方庶疫剛瘳莫我敢當凡六十六字

前書注云以正月卯日作

乘輿黃赤綬四采黃赤紺縹淳黃圭長丈九

尺九寸五百首漢舊儀曰璽皆白玉螭虎紐文曰皇帝行璽皇帝之璽皇

帝信璽天子行璽天子之璽天子信璽凡六  
璽皇帝行璽九封之璽賜諸侯王書信璽發  
兵徵大臣天子行璽策拜外國事天地鬼神  
璽皆以武都紫泥封青囊白素裏兩端無縫  
尺一板中約署皇帝帶紵黃地六采不佩璽  
璽以金銀滕組侍中組負以從秦以前民皆  
佩綬金玉銀銅犀象為刀寸璽各服所好奉  
璽書使者乘馳傳其驛騎也三騎行晝夜千  
里為程吳書曰漢室之亂天子北詣河上六  
璽不自隨掌璽者投井中孫堅北討董卓頓  
軍城南官署有井每且有五色氣從井出堅  
使人浚井得傳國璽其文曰受命于天既壽  
永昌方圍四寸上有紐文槃五龍璽七寸管  
龍上一角缺獻帝起居注曰時六璽不自隨  
及還於閣上得晉陽秋曰冉閔大將將軍蔣  
幹以傳國璽付河南太守戴施施獻之百僚  
皆賀璽光照洞徹上蟠螭之隱起書曰受天  
之命皇帝壽昌秦舊璽也徐廣曰傳國璽文

曰受天之命  
皇帝壽昌

諸侯王赤綬

徐廣曰太子及諸王金印龜紐纁朱綬

四采赤黃

纁紉淳赤圭長二丈一尺三百首

荀綽晉百官表注曰

皇太子朱綬三百二十首

太皇太后皇太后其綬皆與乘輿同皇后亦  
如之長公主天子貴人與諸侯王同綬者加  
特也

諸國貴人相國皆綠綬三采綠紫紉淳綠圭  
長二丈一尺二百四十首

前書曰相國丞相皆秦官金印紫綬

高帝相國綠綬徐廣曰金印綠綬綬音庚  
草名也以染似綠又云似紫紫綬名綯綬音  
瓜其色青紫綬字亦盪音同也傳寫者誤遂  
作繫公加殊禮皆服之何承天云綯音媯青  
紫色綬綬  
紫色也

公侯將軍紫綬二采紫白淳紫圭長丈七尺

百八十首前書曰太尉金印紫綬御史大夫  
位上卿銀印青綬成帝更名大司

空金印紫綬將軍亦金印漢官儀曰馬防為  
車騎將軍銀印青綬在卿上絕席和帝以寶

憲為車騎將軍始公主封君服紫綬  
加金印次司空

九卿中二千石二千石青綬三采青白紅淳

青圭長丈七尺百二十首一號青  
綯綬自青綬以

上緹皆長三尺二寸與綬同采而首半之緹

者古佩璪也佩綬相迎受故曰緹紫綬以上

緹綬之閒得施玉環鑄云通俗文曰欽環曰  
鑄漢舊儀曰其斷

獄者印  
為章也

千石六百石黑綬三采青赤紺淳青圭長丈

六尺八十首四百石三百石長同漢官曰尚  
書僕射銅

印青  
綬

四百石三百石二百石黃綬淳黃圭一采長

丈五尺六十首自黑綬以下緹綬皆長三尺

與綬同采而首半之

百石青紺綸一采宛轉繆織長丈二尺

丁孚儀

載太僕太中大夫襄言乘輿綬黃地冒白羽青絳綠五采四百首長二丈三尺詔所下王綬冒亦五采上下無差諸王綬四采絳地冒白羽青黃去綠二百六十首長二丈二尺公主綬如王侯絳地紺縹三采百二十首長丈八尺二千石綬羽青地桃花縹三采百二十首長丈八尺黑綬羽青地絳二采八十首長一丈七尺黃綬一采八十首長丈七尺以爲常式民織綬不如式沒入官犯者爲不敬二千石綬以上禁民無得織以粉組皇太后詔可王綬如所下

凡先合單紡爲一系四系爲一扶五扶爲一

首五首爲一文文采淳爲一圭首多者系細

少者系麤皆廣尺六寸

東觀書曰建武元年復設諸侯王金璽綬

綬公侯金印紫綬九卿執金吾河南尹秩皆中二千石大長秋將作大匠度遼諸將軍郡

太守國傳相皆秩二千石校尉中郎將諸郡都尉諸國行相中尉內史中護軍司直秩皆

二千石以上皆銀印青綬中外官尚書令御史中丞治書侍御史公將軍長史中二千石

丞正平諸司馬中宮王家僕維陽令秩皆千石尚書中謁者黃門冗從四僕射諸都監中

外諸郡官令都侯司農郎丞郡國長史丞候司馬千人秩皆六百石家令侍僕秩皆六百

石雜賜市長秩以百石主家長秩皆四百石以上皆銅印黑綬諸署長掾丞秩三百石

諸秩千石者其丞尉皆秩四百石秩六百石者丞尉秩三百石四百石者其丞尉秩三百

石縣國丞尉亦如之縣國三百石長丞尉亦二百石明堂靈臺丞諸陵校長秩二百石丞尉校長以上皆銅印黃綬縣國守宮令相或千石或六百石長相或四百石或三百石長相皆以銅印黃綬而有秩者侍中中常侍光祿大夫秩皆二千石太中大夫秩皆比二千石尚書諫議大夫侍御史博士皆六百石議郎中謁者秩皆比六百石小黃門黃門侍郎中黃門秩皆比四百石郎中秩皆比三百石太子舍人秩二百石

太皇太后皇太后入廟服紺上皂下蠶青上

縹下皆深衣制徐廣曰即單衣隱領袖緣以條翦整

齒簪珥珥耳璫垂珠也簪以瑋瑁為擗長一尺

端為華勝上為鳳凰爵以翡翠為毛羽下有

白珠垂黃金鑷左右一橫簪之以安齒結諸簪珥皆同制其擗有等級焉

皇后謁廟服紺上皂下蠶青上縹下皆深衣

制隱領袖緣以條假結步搖簪珥步搖以黃

金為出題貫白珠為桂枝相繆一爵九華熊

虎赤羆天鹿辟邪南山豐大特六獸詩所謂

副笄六珈者毛詩傳曰副者后夫人之首飾編髮為之笄衡笄也珈笄飾之

最威者所以別尊卑鄭玄曰珈之言加也副既笄而加飾如今步搖上飾古之制所未聞

諸爵獸皆以翡翠為毛羽金題白珠璫繞以

翡翠爲華云  
貴人助蠶服純縹上下深衣制大手結墨瑋  
瑁又加簪珥  
長公主見會衣服加步搖公主大手結皆有  
簪珥衣服同制  
自公主封君以上皆帶綬以采組爲緹帶各  
如其綬色黃金辟邪首爲帶鐻飾以白珠  
公卿列侯中二千石二千石夫人紺繒繒黃  
金龍首銜白珠魚須璫長一尺爲簪珥入廟

佐祭者皂綃上下助蠶者縹綃上下皆深衣  
制緣自二千石夫人以上至皇后皆以蠶衣  
爲朝服公主貴人妃以上嫁娶得服錦綺羅  
縠繒采十二色重緣袍特進列侯以上錦繒  
采十二色六百石以上重練采九色禁丹紫  
紺三百石以上五色采青絳黃紅綠二百石  
以上四采青黃紅綠賈人繒縹而已  
博物記曰交州南有虫長一尺形似白英不知其名視之無色在陰地多繒色則赤黃之色也  
公

以下皆不得服諸古麗圭襖閨緣加上之服

司馬相如大人賦曰重旬始以為襜注云襜下旒也則襜之容如旒旒也建武求

平禁絕之建初永元又復中重於是世莫能

有制其裁者乃遂絕矣蔡邕表志曰永平初詔書下車服制度中

官皇太子親服重緇厚練浣已復御率下以儉化起機諸侯王以下至于士庶嫁娶被服

各有科品當傳萬世揚光聖德臣以凡冠衣

諸服旒冕長冠委貌皮弁爵弁建華方山巧

士衣裳文繡赤舄服絢履大佩皆為祭服其

餘悉為常用朝服唯長冠諸王國謁者以為

常朝服云宗廟以下祠祀皆冠長冠皂緇袍

單衣絳緣領袖中衣絳綺練五郊各從其色

焉

贊曰車輅各庸旌旆異局冠服致美佩紛璽

玉敬敬報情尊尊下欲孰夸華文匪豪麗縟

後漢書志第三十

寧國路學正王師道校正

御製

詩

卷之三十一

御製

詩

卷之三十一

御製

詩

卷之三十一

御製

詩

卷之三十一

御製

詩

卷之三十一

御製

詩

卷之三十一

御製

詩

卷之三十一





